

長葛縣志

卷上



## 重修長葛縣志序

長葛爲古葛天氏之墟其名實始見於春秋逮至今日蓋已兩千有餘歲矣秦漢而還黃次公之政績陳太邱之名德蕞爾一隅餘韻流風往往影響全國千載下聞者猶興起也邑志未詳創自何時清康熙三十年逮乾隆十二年邑令楚南何鼎燕山阮景咸更續修之方輿建置畧存梗概政典人物分別記載而風俗物產僅附見方輿之末兵事祥異乃與古蹟流寓統以雜述概之詳畧失宜主賓互錯經籍金石更付缺如則亦頗涉空疎或不足以備地方之典邑人張蔚藍續修未竟身遭寇亂稿亦遺失陳子錫九展轉搜求始獲其書屬息縣劉君盼遂復加是正盼遂畧參余氏龍游志例刪冗補缺數月竣事尙恨采訪未周不無遺憾然書固釐然可誦矣余避地北平每與陳子昕夕過從惓懷桑梓輒言長葛近十年來初苦於匪繼擾於兵當土寇猖獗鄉村不可居羣集城廂展轉依親族閭巷爲滿露宿中衢風雨連日夜婦穉號號之聲慘不忍聞寇去旋里已村舍爲墟連年內戰往往陷漩渦中征調頻繁今尙不遑少息也旅平同

## 長葛縣志

序一

人移民關外走書勸告趨往者千餘人然滄海一粟當何術以拯閭閻彫敝也劫痕徧地人文零落欲求十餘年前景象恐三五十載弗可再睹而文獻放失則尤非可遽期於離亂後人擬亟付印用識舊聞庶傳信傳疑之猶可徵也嗚呼文化者立國之要素夫固盡人能知之然民族之文化率根於國情歷史而地方之情地方之史則又一民族之國情歷史所依據也陳子庶幾急所先務者乃次第其語弁諸書首俾後來者有攷焉

中華民國辛未夏汲水李時燦識

叙

民國庚申歲同邑張霽村先生蔚藍來都下榻敝廡談及本縣縣志失修已一百八十年相與謀續編之策余因謂第一須注重教育以興人材次則詳明實業以裕生計其餘則不妨姑循舊例總以早成爲宜霽村頗然之迨辛酉霽村返里籌款設局從事纂著函予任分纂時余供職國會匏繫都門未克往參惟遙任調查而已越三年得函謂志已脫稿促鳩庀印費俾便付梓時或有譏張稿往往失于迷信而於人物藝文之欠公允尤噴有煩言主頁值茲新潮澎湃之際蓋稍有待無何霽村被仇訐陷瘐死許昌獄稿遂散軼余因亟力訪求竟不可得嗣經張維元先生星蔚多方周折始覓獲寄京而徐西崙君所繪之精密地圖則已化爲烏有適張靖臣定助周定九鼎兩先生在都各加校閱咸認爲有待刪改之處未幾而靖臣定九復相繼南去此事因又閣置竊以天時人事日益齟齬緊儻不早事殺青流布則斯稿之存廢將更有不堪設想者乃聘息縣劉盼遂先生任修正之責盼遂嘗豫修河南通志嫻於中州掌故且維元之門弟子也昕

長葛縣志

叙二

夕商量發凡起例存其菁英剷其紕漏瑣碎者合併之脫略者葺補之而于修辭立誠之義尤三致意焉越半歲而竣事余即爲捐貲刊印流傳人間爲功爲過則非此日所計及矣

中華民國十九年歲次庚午六月十五日序邑人陳鴻疇錫九甫撰

長葛縣志總目

縣境全圖

卷首 叙例

卷一 輿地志

卷二 營繕志

卷三 政務志

卷四 教育志

卷五 食貨志

卷六 藝文志

卷七 選舉表

卷八 職官表 官績略

卷九 人物傳 闕訪

長葛縣志

總目

卷十 列女傳 節婦略 烈女略


卷末 前志源流

附 捐貲姓名

# 長葛縣圖

縣界 伍保 鐵路 汽車 大河 淤山 沙土 渡橋 古苗 古廟 村莊 村寨 火車 上下 每方格為十方華里

圖例



長葛縣東至有川縣界八里南至許昌縣界雙樓馬十四里西至高縣界四十八里北至新鄭縣界潘庄十六里東北至河川縣界十五里東南至許昌縣界十七里西南至許昌縣二十一里西北至新鄭縣界二十一里

# 長葛縣志卷首

息縣劉盼遂撰

## 叙例

總例 修志之法有二一爲別出新裁全部改換一爲因仍前志但纂續編兩法相較前者較後者爲宜矣長葛縣志舊有邑人張蔚藍稿本純用後法承襲紕繆有戾史體予茲受陳錫九先生之託屬爲釐定因時日蹙迫未能廣延博徵於新政諸端雖非局于張稿原有之資料而所增入亦無多然而體例則務從革新以破前此腐舊之老套張稿所分之門類紛繁雜糅未能雅馴茲編則有增有刪有數門合爲一門者有一門併歸數門者本無成見期于一是而已識者定能諒之

茲編體裁多做余氏龍游縣志而地方情形各有同異迄難作依樣之葫蘆期不失雅正而止今凡分類三一日志得卷六日輿地志日營繕志日政務志日教育志日食貨志日藝文志二日表得卷二日選舉表日職官表三日傳得卷二日人物傳日列女傳而別以叙例篇及前志源流篇條理其始終焉

# 長葛縣志

## 卷首

前志及張稿所紀事實率多不經或則文字冗雜今統加以考核其正史有傳述者據正史訂之否則籀諸羣籍務得其實而止果文籍無可檢則以意謚正其文之不雅馴者至其濫漫托沓者摘要錄之此則盼遂於茲編事實之修正文字之剪裁如是而已縣志者史之事貴在簡賅固無取連篇累幅昏睡耳目也

舊稿開卷爲星野志內分星圖星考五行災祥三目考星宿分野起於戰國之際張守節史記正義叙例說其是非今不具論然以一邑之微與天空較蓋不啻泰山之於豪毛特立一卷實被小題大做之弊茲從省削

張稿有兵備志爲目二日兵制日兵事有金石志爲目三日碑日鐘日鼎有監獄志爲目三日監所日習藝所日管獄署有賑濟志爲目二日賑卹日惠濟皆事實短絀爲文不過數葉而金石一志收器僅得四五幾同兒戲茲特併合於義例相近之門以兵備監獄入政務志以金石附藝文志以賑濟入食貨志庶其同條共貫免於駢拇枝指之譏

舊志張稿往往于每門之中巧立名目不顧其義之不安如一人物志而凡分忠烈一忠良二孝友三風節四義俠五文苑六武功七耆德八耆年九壽婦十善書十一善畫十二善相十三善數十四堪輿十五善醫十六善工十七善商十八仕達十九隱逸二十流寓二十一諸目何許子之不憚煩乎舉此一例餘可推知今編于每門之中務求簡捷不再多設細目冀以清爽視聽

自章學誠湖北通志稿立氏族表後之修志者多宗之如繆荃孫江陰縣續志余紹宋龍游縣志是蓋一縣之設正以爲人民故歌于斯哭於斯聚國族于斯者皆一邑中之氏族也然則氏族一志在邑乘中誠莫要于是矣亦莫亟于是矣然考訂氏族在南方易在北方則難南方宗法制度今未全墮族居者率有宗祠有族譜故志局一設則各譜廣集主筆者據譜入錄其奏績自易若北人則多無宗祠故無較有系統之族譜十世以還則宗祧莫究族姓略疏則長弟失所故在今日北方而欲修周禮小史之職實世繫辨穆昭憂憂乎其難之矣長葛於古望姓崇推陳鍾陳氏列入

## 長葛縣志

### 卷首

一一

新唐書宰相世系表及汪藻世說新語人名譜注書又有長社鍾氏人名譜然皆兩唐以前故實而後來仍斷絕無攷茲編于氏族一譜且從蓋闕非其才智謝短實未敢冒嚮壁之戒云爾

輿地志 舊志有八景圖詠太邱古祠一鳳城荒址二鍾臺遺蹟三雙泊秋波四平岡西照五葛仙靈池六洪福晨鐘七北橋冬濟八也無關故實徒費子墨儻任意率附則一縣之大即百景可得此乃舊日圖經習套亟宜刪去以正史裁

舊志張稿每門之前先以小引篇後多下論斷非惟有乖史體實亦鋼蔽思想嘗謂記事記言者史家之職據論籌策者子家之功太史公書往往憑空立論不斷斷于故迹乃史家而闌入子家之域非史家之本色應如是也班陳以來積習成風不知其非矣茲編于前引後論一併刪除見仁見智惟待閱者

營繕志 本門分子目十若城池街衢鎮集寨落四項今尙依常沿用未遠離其初意若公署學宮則皆改作別用已極物換星移之慨若壇廟祠宇寺觀坊表則多半墜

落頽塌因破除迷信幾失其一顧之價值今之斯編於此六項必斤斤然詳臚之者誠以史也者紀述先民之活動過程而予後來者以善惡之觀感者也以上六項由今日視之或有近於迷信而無關弘旨然其在當時則所以資法戒警貪頑大有補于王化聖教之所不及者其著績未可誣也史以紀陳迹則此等事詎容闕而不載必謂其腐舊不合潮流是今日之事由明日視之亦多腐舊不合潮流難在紀載之列者而史書幾乎息矣

文廟中配享孔門弟子先賢先儒人名關岳廟中配享歷代名將人名尊經閣所藏書籍目錄文廟祭器圖式樂舞器圖式及祭祀樂章等皆頒布全國載諸國史非一邑所得私舊志張稿俱一併入錄原沿尊君崇聖時代之舊習茲則概加省削

政務志 政務者稟國家之制度而施行于地方者也其由人民建設以輔制度之不逮者亦制度之類也故今以商事公斷處及自治會等項列入本門而統名之曰政務志

## 長葛縣志

卷首

三

政務一門在縣志中最爲繁雜舊志皆分爲數門而無所貫屬茲將兵制監獄等統歸此志其事蹟淺妙者或列表以明之庶幾清醒耳目無顧此失彼之虞其交通一項畫入輿地門者以鐵路郵電皆與地理有特殊關係且係全國所公有非一縣政務比也

教育志 風俗一項別家志書恒有歌謠諺語方言等條蓋以歌謠爲平民文學之表現亦民俗之所由徵也諺語之在民間幾替代德育之標的與法令之權限而有之其於農占尤多奇驗善彙輯之可稱爲農民小辭典矣方言者乍聆之似奇觚異衆而實考之則盡正字雅音之轉迤其音讀者也昔揚雄作方言山所以即音推字使造次談論者得以自證其故亦研究民俗者所應有事也舊志張稿於此三事皆闕焉失錄今亦未能作詳細之採訪故暫付缺文以待將來之有志者焉

食貨志 財賦之資料大半爲賦役之案牘編造之鱗册最不適于史家之文裁而最切於生民之需用者也故章余志書皆別立掌故一編彙入此項資料法至善也茲



編以舊稿疏略未能詳載而長葛又兵燹迭更簿領多付焚如驟難搜求故于此門仍不免因陋就簡未能奏躊躇滿志之樂也

舊稿官產之後別有公產一目物產之後別立製造產一目而公產內容僅農桑學校小學校地址數事製造產當然爲物產之一何事區分今皆爲釐正以清眉目

藝文志 方志之書向無所謂藝文志也不過撮錄諛墓之碑銘修廟之石刻獻媚豪紳之壽序流連風月之詩詞數十葉而止矣其于邑中古今著作之目錄碑刻之稍駁蝕者則望羊若無睹焉故方志從無藝文可言以其所志者非藝文也章實齋創通史例首主文徵獨立之說余紹余修龍游志承用而實現之可謂能審于取舍今仍以藝文編入六志之一者以長葛文之可存者無多納萃正編絕無指大于股之弊故于本門中分爲四目曰書目紀邑人古今製作之總成績也曰唐前文目以前人自有專書我可按圖索驥也曰金石目所以供考古學之用也曰文存擇其有切于故實者錄存若干首其文辭之雅潔與否非所苛責也

## 長葛縣志

### 卷首

#### 四

諸家書目多有解題用以說明其書之源委茲編以所載清以前書除一二種外韓伯易繫辭注鍾嶸詩品伯概歸放失僅就各書引用存其一鱗半爪而已今世補各史藝文志及攷證隨書經藉志者大率已搜括無餘明清人書則就各列傳中所紀錄出其書之存亡尙無可考書既未經目治故提要亦無從入手總之臚列書目之旨惟在使人念我先民之如許奇文偉著則思所以紹述之者如斯而已

詳列唐以前文目爲一項者以唐前文集統歸散失苟不彙編一目將使考訂者無從尋求故今即嚴氏所輯全上古三代秦漢三國南北朝文輯出長葛人之著述仍標注其所據之書而再以無錫丁氏所輯全上古三代秦漢三國南北朝詩補其缺焉

一邑金石往往可獨成一書如武億之偃師金石志是也或志中獨成一門如吳汝綸之深州風土記等是也長葛金石素不見稱姚安畢沅楊鐸諸人著錄中州金石長葛所見不過一二器即張稿所調查者亦不越十一二器今再參以古金石書增

入古刻二事而均加以簡略說明俾研究者有從考察明非虛造

文存一目因向之藝文志全部所載多係油腔滑調無關實用之文故今附遂所輯唐前文目竟無一首見于舊稿藝文志中者其陳腐可想而知今痛削其文之不經者及純于迷信者凡十之四五蓋當時纂舊志舊稿者原無史裁及文學而又往往格于情面威于勢利取燕石而棄夜光服蹇驢而騰疲牛亦其所也今之所存不責其文惟期其有裨史實可以証地方人文之演進則取之矣

舊稿于此志中分門別類約得子目數十往往一目中僅文一首或詩一章何其碎屑乃爾其弊常至于牽強應數有寧濫勿闕之苦今則惟以時代爲準不再多立名目以免紛糅云爾

舊稿多存詩賦及聯語聯語小技不登大雅之堂而長葛古無著名詩家實則所收詩篇多係遊宦及行旅在此地吟風弄月采山釣水之什以言藝術既非超詣以稽掌故又無相關收入邑乘實嫌蛇足况又分之以古風割之以律絕尤屬無謂茲並

## 長葛縣志

### 卷首

五

刪削以正史裁

科舉表 舊志進士舉貢皆屬選舉乃循古鄉舉里選之名沿用未改迨及民國組織議會選擇推舉出自民權則在昔考試所得之人才自不得不別目之爲科第以符名實而資區分但年遠卷佚名姓已多淪湮姑就采訪所獲者補葺之而仍以舊志之監生鄉飲吏員諸科附焉科目既廢士夫出身由學校畢業議會選舉及文官考試其效用與科第等故本門定名曰科舉表以括科第與選舉而內容略分舊制科考及專門以上學校畢業生及國會省議會縣議會議員三目焉

舊稿載有封贈蔭生恩賜三門實則封蔭與選舉無關選舉表者所以表示地方之材俊封蔭非其義也在君權時代或視以爲恩榮今則不必載矣蓋受封之人不必賢哲而縣志責在崇實在黜虛榮矧清季封典可以貨取且不必以見其父若子之賢耶

職官表 舊稿職官表外別有名宦傳然昔者章實齋云叙次名宦不可與鄉賢同爲

列傳非第主客異形抑亦詳略殊體也長吏官于斯土取其有以作此一方興利除弊遺德在民即當尸而祝之否則學類顏曾行同連惠於縣無補志不能越境而書亦其理也如其未仕之前鄉評未允去官之後晚節不終苟爲一時循良便紀一方善政吳起殺妻而效奏西河於志不當追既往也黃霸爲相而譽減潁川於志不當逆將來也以政爲重而他事皆在所輕豈與斯土之人原始要終而編列傳者可同其體例歟茲據實齋之論改名宦傳爲政績略而舊稿於名宦之任前任後後皆詳述不遺今亦惟存其于長葛有關之事餘則概從削去以明界限

舊志張稿于春秋時名宦載公孫僑游吉諸人于兩漢載黃霸寇恂若然則晉楚之盟主豫州之刺史更屬縣邑之長吏亦應一概載入殊乖史法然長葛金元以前官長率無可考姑存之以備數然其侵泐之情則不可不知也

人物傳 舊志人物分類凡得二十此最難通余樾園龍游志人物叙例曰史家立傳非以方人故人別爲篇有關聯者則爲合傳附傳若其事別有源流有關一方風化

## 長葛縣志

卷首

六

然後以其事標類而以其人入之如史記刺客游俠酷吏貨殖諸傳兼述事情以意離合不盡人爲畫界漢書承之略有損益至後漢書則別立黨錮宦者諸傳凡此皆所謂事重于人也故以事名篇之例本于作史者之心裁原不必相爲因襲後來史家昧于此義于是孝行循吏隱逆方伎諸目無史不立遂以爲此數類乃作史所必備斯大惑矣然猶有若干散傳也至於方志則變本加厲幾無不區類以編矣知其初作方志者或尙有獎掖名教之意故標其目以爲提倡相沿既久視爲固然作志者狃于積習門類既具恥有闕遺必欲求其人以實之不得其人則強爲牽合或緣飾事實以充篇幅浸至類廣而例益拘名存而實已失甚至如嘉慶西安志竟以一邑之人而分割入數類儼同衙署之填載表格焉豈復成爲史傳康熙龍游志曰一邑之中人物有限勉強分析彌覺渺渺且理學事功文章德業中有相兼尤難析置此說是也然見其偏而不見其全故于武略孝行方技猶謂其事蹟判然仍爲分類豈知武略如韓信李廣孝行如曾參閔子騫方技如扁鵲倉公太史遷未嘗別爲標目也

况武略孝行方技中遂無兼有理學事功文章德業者乎志既稱爲人物武略孝行方技獨非人物乎既有自相矛盾之嫌亦乖事重於人之義竊爲康熙志惜也要之方志具有史裁如無特異事情不必強爲標目茲故統稱人物一以時代爲次今按余氏此言最爲通達茲述人物概從其例

舊稿流腐載有白居易李廌張銑陳緣等數人然邑乘者地方之事借重異籍名人以爲山川生色甚爲無謂蓋腐賢果有裨益于地方則自有可傳者在若僅爲流連景物或偶然卜居則通都大邑名區勝境古來旅居者安可勝數如其地志必悉爲立傳將必犯喧賓奪主之嫌茲故削去流腐傳讀者或不以武斷爲譏

列女傳 縣志中於人物傳外別傳列女在今日似容有疑議惟史職重在紀述往事女權之發達將來或不無與男子並駕之日然前此則婦女之事惟在節孝貞烈無多他事可載故尙有待於別裁今列女傳中除少數人堪立專傳外餘則統以節婦烈女二略括之

## 長葛縣志

### 卷首


七

嘗謂各志載一邑貞節婦女往往逾千而又無多事迹故以舊法修志最適者莫過于立表北方婦女大率無名字以某某氏稱之惟一縣大姓若王若張者不過一二十姓若不加區別則直不辨誰何竊謂宜放范曄後漢書例稱某人之母某人之妻某人之女庶幾女由男別較爲清楚又當以某保某邨爲經朝代年月爲緯是舉表可以得其地方之風紀與時俗之升降法較善也反視普通省縣志中列女傳既不詳其時代又不著其籍址幾使人疑爲空中樓閣其後昆亦不敢確定何人爲其先德者比比然也茲編于此事既未能從新調查故止陳仍舊貫而略裁併其駢枝分目修正其鄙俚文字於叙例中發其概焉

### 附例

是編匆遽付印以見聞所囿遺缺資料諒不在少嗣後讀書及搜訪有所發見當輯爲別編副此印行祇懇閎達君子匡其不逮黨肯示之周行尤深拜禱  
是編檢稽資料及繕寫文字則以舍弟叔遂銘恕之功居多例得並書

中華民國十九年六月中旬劉盼遂志于北平女師大研究所



# 長葛縣志卷一

息縣劉盼遂

## 輿地志第一

疆域 沿革 山岡 河渠 陂澇 古蹟 墓塚 保甲

交通 驛傳 道路 鐵路 電話 郵務 河運 橋梁 汽車路

## 疆域

長葛東西廣七十八里南北袤三十五里

東至洧川縣界十八里司馬村

西至禹縣界六十里韓家莊

南至許昌縣界十五里陸家營

北至洧川新鄭縣界二十里尙家村

東南至許昌洧川縣界三十里斧頭村

東北至洧川縣界十五里田家堡

## 長葛縣志 卷一

西南至許昌縣禹縣界四十五里石固鎮

西北至新鄭縣界十七里官亭

東北至洧川縣城三十里

西北至新鄭縣城四十五里

南至許昌縣城四十五里

西至禹縣城九十里

東北至京師一千八百里至開封省會一百八十里

曩者西通川陝南達湖襄雲貴等處爲進省進京必由之地星輻冠蓋往來絡繹其經行要路有三一在縣治東南北接洧川界南至許昌界橫十五里一在縣治西北接新鄭界東南至許昌界橫三十五里一在縣治東北北接洧川界西南至禹縣界縱六十里招待迎送供億維繁至兵差車馬人尤苦之迨京漢鐵路告成從前煩苦稍覺甯息

## 沿革

長葛蓋葛天氏故址也後人思永其澤故名曰長葛見舊志又傳創邑之始有葛條附樹

故名見新志唐虞夏商無稱至周東遷始見於春秋屬鄭魯隱公五年秋宋人伐鄭圍長葛六年冬宋人取長葛杜預註

緡川長社北有長葛城今河南開封府許州長葛縣北十二里有故城舊志載桓公五年諸侯從王伐鄭鄭伯禦之戰於

緡葛証緡葛即長葛此說非也按杜預註緡葛鄭地或云即長葛也預並未確定緡葛

即長葛不過引或說聊備一解豈料後人遂以訛傳訛此不可不辨考周在鄭西北長

葛在鄭東南桓王伐鄭由西北進兵勢也豈有繞道過鄭東南自尋絕地以勢度之不

可信者一隱公六年名長葛桓公五年又名緡葛前後相隔不十二年春秋又無長葛

改緡葛明文何所據而謂緡葛即長葛乎以理揆之不可信者二然則緡葛究在何地

按河南通志云鄭州城西南二十五里有緡葛亭即祝聃射王中肩處則緡葛長葛分

明兩處舊志之謬明矣戰國屬韓魏史記韓宣惠二年滅鄭遂屬魏魏更名長社舊志載

西漢時以社中樹暴長更名長社亦非也前漢書地理志應邵註曰長社即宋人按史

記秦昭襄王三十三年客卿胡傷攻魏長社取之秦二世元年周勃從沛公定魏地攻

# 長葛縣志

卷一

一一

長社秦二世二年樊噲攻宛陵先登有功賜爵封號賢成君從攻長社是長社更名在

西漢以前屢見於史舊志未彙羣書但據註在漢書遂指為西漢時誤甚秦滅魏韓置

穎川郡長社屬焉史記秦始皇十七年滅韓以西漢季年改為許縣仍屬穎川郡見穎

故陳仲弓東漢魏晉俱因之西魏屬穎川郡詳後東魏復長社為穎州州治又改為南

鄭州州治暨穎川郡郡治詳後北齊仍屬穎川郡郡治又廢穎陰縣入焉後周改許州

治隋開皇六年初改郡為穎川縣於長社分置長葛縣大業初置穎川郡長葛長社二

縣俱屬按郡即後周許州領縣十四郡治即長社汝墳葉北舞鄆城繁昌臨唐改穎川

縣為長社唐地理志武德年復長葛山僅有小徑二縣俱屬許州穎川郡五代梁改許為

匡國軍二縣俱屬唐改許為忠武軍二縣俱屬晉漢周祚短朝此夕彼因革靡一不得

而詳宋元豐三年升許州為穎昌府屬縣七鄆城陽翟即今臨穎舞陽郟縣而長社熙

四年以許田長葛實備其數宋史地理志金二縣並屬許州昌武軍金史地理志元二縣並屬許

州汴梁路元史地理志明洪武初併長社為許州治長葛始終屬之明一統志清長葛仍屬許州

雍正二年升許爲直隸州十年升爲許州府乾隆六年復改爲直隸州而長葛屬之不  
 少變焉清一統志民國肇造仍名長葛二年縣許州改屬開封道此歷代沿革之大略也總  
 覽古今大勢隋唐以前上溯至戰國名不並列有長葛無長社有長社無長葛或長葛  
 長社俱廢隋唐以後下推至於有明長葛長社分域並存然疆界區畫不可詳已自明  
 以來長葛入許州長葛名稱始一疆域亦始定謹據歷史列表以便省覽

時代	總部	專轄	縣名
春秋	豫州 <small>禹貢釋普黃帝布九州河南爲豫州城</small>	鄭國	長葛 <small>左傳杜預註爲鄭邑名</small>
戰國	豫州	韓魏	長社 <small>史記韓滅鄭屬韓未久又屬魏胡傷攻魏長社取之是其証也</small>

# 長葛縣志

## 卷一

秦	豫州 <small>河以南分爲四郡曰碭郡曰南陽郡曰潁川郡曰三川郡</small>	潁川郡	長社 <small>史記秦始皇十七年內史騰滅韓置潁川郡長社亦在封內秦二世元年二年周勃樊噲攻長社又其明證</small>
前漢	豫州	潁川郡	長社 <small>漢季改許縣</small>
後漢	豫州	潁川郡	
三國魏	豫州	潁川郡	
晉	豫州	潁川郡	
宋	南豫州 <small>永嘉之亂豫州北部淪沒於石氏</small>	潁川郡 <small>宋書地形志云舊名昌許曹魏改名許昌</small>	



長葛縣志

卷一

四

西魏	豫州	穎川郡	長社即州治東魏天平初置穎州四年穎州附西魏武定七年因圍攻王思政於穎川踰年始陷城多崩頽移穎州及穎川郡治穎陰改曰南鄭州復置長社縣為州郡治
東魏	豫州	穎州 南鄭州	紀方輿要
北齊	北揚州	穎川郡	長社即郡治
後周	豫州	許州	長社

隋	豫州	穎川郡 領縣十四見前 開皇六年	長葛隋書地理志穎川郡即舊長社開皇初廢穎改為穎川縣又置長葛縣
唐	河南道	許州穎川郡 領縣九陽翟許昌鄆陵扶溝 臨穎舞陽郟城長社長葛	長社 長葛
五代	廣順二年復置	闕	長社 長葛 五代職方考於各縣廢置概不詳故河南通志於沿革表獨付闕如
宋	京西北路	穎昌府 元豐二年升為府崇寧四年為南輔隸京畿大觀四年罷政和四年復置宣和三年復罷建元二年沒於金	社長 長葛 屬縣七 長葛 郟城 長社 臨穎 舞陽 郟縣 陽翟

後梁許改匡國軍節度後唐許改忠武軍節度自忠武軍置定後晉因之漢初軍廢周廣順二年復置

至道三年分天下為十五路天聖析為十八元豐又析為三十二

京西北路

穎昌府

元豐二年升為府崇寧四年為南輔隸京畿大觀四年罷政和四年復置宣和三年復罷建元二年沒於金

社長 長葛

屬縣七 長葛  
郟城 長社  
臨穎 舞陽  
郟縣 陽翟

金	南京路	許州昌武軍 天德中許復爲許州未幾改昌武軍	長社 長葛 屬縣五 長社 襄城 長葛 鄆城 臨潁
元	河南江北等處行中書省河南江北道肅政廉訪司汴	許州	長社 長葛 領五縣 長社 長葛 鄆城 襄城 臨潁
明	河南開封府領開歸陳許道	許州直隸州 洪武初以長社縣入州治領縣四 臨潁 襄城 鄆城 長葛	長葛 洪武元年長社縣併入許州
清	河南開歸陳許道	許州直隸州 領縣四仍因明舊	長葛

長葛縣志

卷一

民國	河南省	開封道 民國二年廢許州直隸州改爲開封道	長葛
----	-----	------------------------	----

山岡

陘山在縣西四十里葛鄭分界西北屬鄭東南屬葛西與具茨山並峙 黃帝將見大塊於具茨山至襄城野七聖皆迷逢牧馬童子問途莊史記魏襄王六年敗楚師於陘山即此唐地理志謂爲小陘山杜預又作形山山上有鄭祭仲塚塚西有子產墓累石爲方墳墳東有廟並東北向杜預謂爲不忘本故也上有泉一泓味甘而冽南有石崖壁立三丈餘圍可七八尺兩旁支角中橫一坦石長一丈五尺寬一丈人履之微動有聲相傳山石自相負戴爲子產壘墳至山半人見之不動俗呼爲石婆婆肖其形也山西南有列石數峯森森卓立人呼爲將軍柱南崖有人迹馬蹄深入石中寸許傳爲仙人遺迹東南山麓爲走馬嶺兩旁陡絕中有一徑

蜿蜒平坦可騎乘而上故以得名產蘇土人呼爲石花可以代茶土山乃陞山餘

支也出紅石南與走馬嶺相接縱廣五里餘橫三里許舊名密松林今無其迹上

有片石蹲踞山頂土人呼爲磨鎗石元李孟因特們德爾之謔奪爵去

又西南爲紫金山山多紫石日光映射如金故名舊志作紫荆山誤在縣西五十里葛

里南北六里小玲瓏山在縣東距城五里依泊南岸巋然一塊土相傳有劍俠薛姓居此今周圍爲田

夫所剝漸陵夷矣

廷秀岡發脈於具茨山自縣西北來過陘山至縣西三十里後河街以東曰魚鱗岡岡

形層叠若鱗至縣西玉皇廟前歸壘盤錯直穿入東過城四里曰嶺子岡又東里許

曰文明岡岡勢宏廠即今岡張村又東三里曰墩王岡又東三里曰寇王岡又東四

里曰內官孫岡由此而東經洧川鄆陵以至陳州蜿蜒數百里凡村落城郭多倚焉

以上皆延秀岡一脈此縣中之東西幹岡也

# 長葛縣志

卷一

六

雙岡岡勢從西北來在延秀岡南相去四五里或七八里不等遵溪水故道時隱時現

夾岸若堤堰故曰雙岡至縣西南四里許雙廟後蔚然全現由此而東南經端公王

師莊至石象鎮北門外齊潛王廟前又東至斧頭寨曰孝女岡岡勢聳起因孝女塚

得名由西南而東北入洧川界係雙岡餘脈此縣中之西北東南幹岡也

陳畔岡在縣西北十八里鍾於洧水東岸起自新鄭東夕村蜿蜒南來越洧水南岸又

三里接鳳凰城

又東孟堂岡在縣西北二十里去西南陳畔岡二里又南三里曰秋莊岡又南過洧河

去城八里曰佛耳岡因古佛耳得名又南五里曰高廟岡在縣西北五里

又東龍池岡在縣西北二十里去孟堂岡二里

又東李家岡在縣北十五里西去龍池岡二里又南五里曰尙家岡又南過雙洧河曰

宋家岡去城七里

又東辛家岡即三塚岡在縣西北十二里西去李家岡三里又南五里曰梁家岡去城

十里

又東北古城岡在縣北十五里西南去李家岡三里黃霸治潁川有東西二城鳳凰城即西城此係東城

又東馬陵岡在縣北十五里西去古城岡二里餘起自中牟過洧入葛上有孫子龐涓廟唐胡曾詩墜葉蕭蕭九月天驅兵獨過馬陵前路旁古木蟲書字記得將軍破敵年謂卽孫臍伏兵射龐涓處按通鑑孫臍伐魏救韓伏兵馬陵考其地在今大名府東南十五里諒以名同而誤

又東馬家岡卽馬家寨在縣東北十里西去馬陵岡八里

又東龐家岡在縣東北十五里西去馬家岡五里

又東蘇嶺岡在縣東北十五里由龐家岡東口突起直南里許有兩塚又南過黑龍潭里許曰岡王又南里許曰卓君岡上有漢卓太傅茂廟相傳令密時驅蝗到此又南里餘曰岡孫西去縣十二里此縣北南北支岡也

## 長葛縣志

卷一

七

王家岡在縣西南四十五里南去石岡約七里

又東石羊岡在縣西南三十里西去王家岡十里卽今石羊寺由中岳店起南經白樂宮五龍宮入許

又東北溝馮岡在縣西二十五里西南去石羊岡十里餘東南經岡張村岡楊村張古店寨西門外

又東南栗塚岡在縣西南二十八里西北去溝馮岡三里

又東北鳳凰岡在縣西南二十二里西南去栗塚岡六里舊志載黃霸治潁川鳳集於此故名不知此指縣西北鳳凰城而言非鳳凰岡也此岡實因形似得名岡西里餘曰太平岡宋太平興國建寺於上故名相傳此岡爲鳳右翼鳳凰東里餘曰劉家寨以劉姓居此故名相傳此岡爲鳳左翼鳳岡北約東西各三里曰漢王岡霸王岡兩岡東西對峙約四里餘勢若對壘舊爲楚漢相拒處相傳此兩岡爲鳳尾之兩尖南三仙廟爲頭云

又東南毛家岡在縣西南二十三里西北去鳳岡六里又南里餘曰古岡砦即今岡李咸豐年間李逢春築寨於此因名古岡砦又南里餘曰曹家岡岡如箕形又西南五里曰馬家岡即今大馬寨去縣西南三十里

又東北趙家岡在縣西南十七里西南去毛家岡六里即今趙莊又南經劉村暨鐵堂村

又東臺廟岡在縣正南十里西去趙家岡十五里形如圓椅廟坐其中

又東封陞岡在縣東南十里西去臺廟岡五里上有古聞人墓碑猶存但不知姓名年代此縣南南北支岡也

河渠

雙泊河自縣西北流入東北流出因溱洧合流得名溱發源新鄭西北鷄絡塢南入於洧洧發源密縣東南山中超化寺東之金花泉縱廣二畝其水自地湧出寺西龍王廟前後二池亦洧源密山諸水皆注焉東至新鄭南與溱水合經葛西北二十里包

## 長葛縣志

卷一

八

城東北隅東流達洧川鄆陵扶溝抵正陽關隴淮達泗吳楚之域皆可舟焉

澗水河發源密縣大塊山名魯固河又名清流河東南流三十里入葛境繞城西五里南三里東流入鄆陵界漢時棗祗建議屯田許下從城西十五里改流而南引入許境故道淤平明崇禎八年寇亂甚熾知縣李在公詳請開濬引水灌濠寇至不敢渡城賴以全亂後仍廢民國又濬

小洪河源出密縣北冠山東麓九龍潭明流十里伏流十里經陳太邱祠及後河鎮東注二十五里至楊寨入於澗

又小洪河在縣西南五十里發源於水碓河爲暖泉交流經石門楊西劉村東南至李家橋入石梁河

溱河源出新鄭縣蘇家橋有二道一曰老溱河從縣北潘莊東流入葛境經和尚楊康莊老梅莊韓廟石橋路小河董等村入雙泊河一曰新溱河由新鄭溱河村而東經羅莊路莊大牆周岡頭尚石橋李入老溱河康熙八年知縣吳泰疏濬二十四年知

縣李元讓復疏濬二十八年知縣何鼎又疏濬民皆利之今則河道淤矣  
李家河在縣北十八里岡李之東發源新鄭縣東高夏莊南流入雙泊河  
小泥河在縣西北十八里劉莊之右小孟之左源在新鄭縣劉店之西南繞龍川寺三  
面

石梁河在縣西南四十五里舊志謂源出禹縣郭連里非也按河南通志源出密縣山  
谷中流至朝華寺前匯爲黑白二龍潭其深莫測東流經石固寨南有石梁橋爲許  
昌分界又東行葛境者五里南注於許至臨潁縣北境合蔡河達於淮又名五汲河  
柳陰河發源禹縣銀劉村白石橋劉流入葛境東流至拐河楊又東至新莊坡約有六  
里至宋堂與暖泉合

馬跑泉河在禹縣東北四十里世傳漢光武駐兵於此馬跑地得泉故名發源於賈家  
村後東流經葛境孟排寨石橋劉新莊坡諸村又南折三里許至宋堂與暖泉合  
暖泉河在縣西六十里發源於暖泉觀其水自地湧出冬月頗溫故名許真君常修道

## 長葛縣志

### 卷一

九

於此東流經水磨河暖泉寨又東經石廟楊蘇家樓營張坡胡寨等村至宋堂與柳  
陰馬跑河合流南折繞中岳店白樂宮五龍宮至許境三張寨入石梁河

金魚河在縣西北七里係澗水支流山打繩趙北人泊相傳有金魚一雙故名後爲賈  
胡所捕水遂竭

興隆渠在縣東南十八里山師莊東南下經朱老莊之西再南經雙樹王寨西二里入  
許境

小紅渠在縣西營張村南半里許

詳見舊志

龍川渠源出新鄭東二十里龍川寺故名東折復南六里許入雙泊河

公義渠在縣西六十里舊渠自暖泉觀前流至水磨河村三尺寬三尺深長三百餘丈

光緒三十一年知縣朱郁荃奉諭照舊復濬民國六年縣長洪寶燾督地方紳董按  
舊渠向東創開新渠一道二尺寬二尺深長二百七十餘丈有碑可考

王家陂在縣東南二十三里長六里寬四里

白龍王廟陂在縣東十七里長七里寬五里  
胡家陂在縣東南十五里長五里寬二里  
汪家陂在縣東南八里長六里寬五里  
蔡家陂在縣東南十里長六里寬五里  
丁家陂在縣東南十里長三里寬三里  
忻家陂在縣南八里長四里寬二里  
廖家陂在縣南十八里東西五里南北十里  
譚家陂在縣西南六里東西八里南北七里  
象家陂在縣西南十七里東西五里南北十里  
胡家陂在縣西三十里東西十里南北十里  
馬家陂在縣西三十里東西六里南北七里  
張家陂在縣西三十二里東西三里南北十二里

長葛縣志

卷一

十

許家陂在縣西十二里東西四里南北五里  
白家陂在縣西北二十里東西八里南北十里  
劉家陂在縣北二十二里寬一里長二里半  
孔家陂在縣北二十一里寬一里長三里  
龍池陂在縣北二十里寬二里長五里  
老龍窩在縣北二十里寬半里長一里  
梅家陂在縣北十二里寬二里長一里半  
黑龍王陂在縣東北十五里寬三里長五里  
柳莊陂在縣東北十二里寬五里長十里  
張家陂在縣東北十三里寬一里長三里  
胡家陂在縣東北十里寬二里長五里  
謝家陂在縣東北十里寬半里長一里

狼溝在縣東水經注洧水又東南與狼淵水合水出長社縣西北有故溝上承洧水水盛則通注龍淵淵水清潔滋深寰宇記曰即狼溝也左傳文公九年楚代鄭師於狼

淵杜預曰穎陰縣西有狼陂

方輿紀要

汪家陂溝在縣東南八里自汪廟起東流經三教堂廟南至端公王村東南流至白龍王陂數里入許昌界長十三里寬一丈深五尺明天啓七年知縣聶明楷疏通康熙二十三年知縣李元讓疏通年湮未修淤塞幾平遇澇水害田禾

姑姑寺溝在縣東南十三里孟村桑起長五里半寬一丈二尺深七尺流至胡家陂入許昌界今已淤塞狹溢遇潦淹沒衝決道路田禾均受其害

胡家陂溝在縣西南三十里東胡寨東門外爲暖泉河灌寨渠之水所注東流經坡馬村老楊莊至中岳店西吳家橋入暖泉河長八里寬一丈深七尺以上三溝康熙二十五年知縣李元讓疏通今故道淤塞平淺狹溢

按李元讓共疏溝渠十一處

城西通漢水河溝自岳家橋起東北至雙泊河長十五里寬一丈二尺深七尺

## 長葛縣志

### 卷一

### 十一

白水陂溝在縣西五十里小李莊西坡起長二十六里寬一丈深七尺東流經梅橋至孟排寨街中流出又東南經石橋劉拐河楊正東辛莊流出折入南經章園村宋堂莊東頭至中岳店寨南寺後趙西入暖泉河久未挖修今亦淤污

寺耳溝在縣北二十五里龍泉寺西入境長四里寬一丈深七尺東南經寺前流至尙莊入雙泊河此水源出新鄭界爲新鄭諸陂岡水所注今亦淺狹淤污

楊家溝在縣北十六里山潘莊入境長八里寬一丈深七尺南流經和尙楊莊韓莊東流經康莊老梅莊直赴東南至小謝莊北與冀家溝合久未疏通渠道淤塞

長明溝在縣東北二十五里老官尙莊入葛界下流經黃莊羅莊路莊東南入小溧河上流經洧川至尉氏縣西南匯爲大坡東南入大溝河年久未修潦則爲災

冀家溝在縣東北十五里嵐川府西入境長七里寬一丈深七尺南流經冀莊老梅莊小謝莊東韓莊至李莊入小溧河今亦淤塞

胡家陂溝在縣東北十二里長二十五里寬一丈深七尺此水發源於老岡坡南流至



小河董與長明溝合年久未修潦則漫溢

周家溝在縣東北十三里長二十里寬一丈深七尺

舒家溝在縣東北十二里舒家坡入境長十六里寬一丈深七尺南流經小潘莊至白廟吳入雙泊河今亦梗塞

謝家溝在縣東北十里老梅莊南入境長五里寬一丈深七尺東流經韓廟李莊石橋路莊東南里許入長明溝年久未修渠道梗塞

古蹟

周宣王駐蹕處在縣東北二十五里高阜上與洧川接界相傳爲宣王東狩駐蹕之處後人建廟於上

古井在縣西北禪靜寺內光緒二十五年大旱村人掘井適遇一古井口筒俱屬古磚所修泉水極盛其中挖出磁瓶碗罐箭叉等物大異近世形式疑是晉魏時代古物古社柏社栢爲葛名勝前志未載誠憾事也現有二十六株東西極大者各二皆二十

## 長葛縣志

卷一

十一

四圍餘亦二十圍應邵註漢書謂社樹暴長因名長社或即此柏惟長社之名非由漢始魏或已植此柏因暴長改爲長社二千餘年古物可稱巨特

古道在縣西北九里此道自東南向西北相傳爲周時東南方諸侯向京師通衢現有墩堡可尋

古洞在陳太邱祠北百餘步洪河西涯未識開自何時口大如車輪深不可測好事者入探出云初入口頗明再數武漸黑亦漸闊又數武忽暗倉皇而返

古石佛民國八年春陞山南麓農人掘地得石佛五尊全像者僅有二尊座間刻字云大唐開元十載歲次庚戌辛丑朔二十八日戊辰弟子孫惠貞七代先亡及見存家口敬造石彌勒佛像一鋪字迹分明班班可考

古城相傳爲鄭伯所築杜預曰潁川長社縣北十二里有長葛城今河南開封府許州長葛縣北十二里有故城張守節引括地志曰長社古城在許州長社縣北十二里此漢以前之古城也按元和郡縣志長社故城許州長葛縣西五里遺址尙存興廢

莫考此漢以後之古城也

十二連城在縣西北五里形勢灣環連綿不絕故曰連城今則崖絕壁壞僅存遺址而故墟壘壘禾黍成蔭令人生陵谷變遷之感

長箱城即今城十六國春秋東魏武定五年清河王岳率衆圍西魏將王思政於潁川築此初以車箱爲樓因名長箱城俗亦呼爲長平城

方輿紀要

東西兩城在縣東北五里相去各一里十傳隱公十一年鄭伯使許大夫百里奉許叔居許東偏又使大夫公孫獲處許西偏或以爲此兩城也

方輿紀要

鳳凰城在縣之北張保寰字記曰漢黃霸治潁川有鳳凰集此因名城周圍三里有奇

方輿紀要

鷄鳴城按許州志鷄鳴城在長社縣未詳今在何處

陳太邱養魚池在祠西偏百餘步昔太邱養魚於此至今猶存潦時水向東流太旱水亦不涸池畔有古柏數株民國十六年鄉人藉辦學校伐之

## 長葛縣志

卷一

十三

石夾潭在太邱祠後里許有石一塊方圓約三畝中間一塘兩石相夾水深莫測泉出泛花淙淙有聲又名響潭

洗硯池在鍾絲臺下絲嘗學書臺上洗硯於池池水盡黑黢然可鑒民國十四年經張農部蔚藍發起范營長錫海張知事金銘暨各紳董等捐貲委王會長瑞桐等監修亭榭曲橋通之遂成勝境

葛仙池在縣西三十里後河鎮龍泉宮昔吳人葛玄從左慈受九丹金液仙經世號葛仙翁嘗從吳主至溧陽風作舟楫玄獨立水上衣履不濡曾遊長葛採藥陞山暑月入池中數日不出後白日冲舉所遺池水亘古不竭滾滾上翻浪花燿燿相傳以白布入池中即變藍色故俗名擺藍池有石竇遇旱禱雨輒應又名靈池

土池在縣西四十里范莊石龍王廟東北角水從地湧出東南流五六里至辛莊西頭與白水溝合

白龍池在縣東南十八里相傳有白龍盤伏其中水極深旱則遠近群來禱雨輒有靈

驗此池距石象鎮一里

黑龍潭在縣東北十五里大岡中斷處乃雙泊河水漲衝漩者圍約四五畝淵深莫測相傳有黑龍在內故居民立廟岡上禱雨輒應

許真君修道處即暖泉觀真君名遜字敬之晉南昌人學道於吳猛舉孝廉太康初拜蜀旌陽令以晉室篡亂棄官東歸至孝武帝寧康二年一百三十歲於洪州西山舉

家四十二口拔宅上昇而去宋封神功妙濟真君

按吳猛至孝嘗遇至人丁義授以神方遂有異術能前知

卓太傅驅蝗處在縣東十三里高岡上太傅爲密令時因蝗爲民害驅逐至此民感其德立廟祀之

徐元直故里在縣西北五里金魚河北名小河徐村人多徐姓相傳其後裔也

陳太邱故里在縣西五十里紫金山南小洪河北今德星觀即其遺址後人即此建祠有古栢十餘株傳爲太邱手植民國四年縣長何某將鬻除之經邑紳陳鴻疇力爭乃止鴻疇又請中央政府飭省縣保護照准嗣鄉人藉廟產興學之令戕伐之

## 長葛縣志

卷一

十四

白樂天故里在縣西南二十八里有白家村西約一里有墓與祠考樂天太原人此處有其故里或者寄居於此

子產臺在縣西六里連城南高四五丈形勢崇峻風景清淑相傳爲子產觀兵處後人建祠於上

鍾繇臺在縣治前乃鍾皓之孫魏太祖時嘗爲廷尉築此

仙人井在縣西南二里相傳有仙人飲於井上持鉢向井井水即出人皆驚異轉瞬不見石上留有杖履迹刻入爲印

馬跑泉在葛禹分界處距縣城五十里相傳漢光武行兵至此人馬皆渴馬以足踏地泉忽湧出因以爲名今則一水瑩然風景猶存

接官亭在縣西北二十里有土墩一座約二分餘相傳爲周王朝諸侯東方諸侯相會之處又名古岸門括地志云在今許州長社縣東北二十八里今名長武亭通鑑周赧王元年秦敗韓於岸門即此續漢志潁川郡潁陰縣有岸亭註引徐廣曰岸亭即

岸門或又言在今山西河津縣西未知孰是

### 墓塚

子產墓在縣西四十里陘山上有一大塚外包紅石潤色可愛

祭仲墓在陘山上子產墓東

八王墓在陘山上未詳何人

公治長墓在縣東南二十三里相傳爲公治長塚長魯人塚宜在魯古者門人不忘其師聚衣冠而葬之或此地有長門人格尊其師故存此遺迹歟

董永墓在縣東十五里董村鎮西南百步地極窪下每潦水匯滯不及墓巔相傳爲孝

子之報亦無碑碣民國元年縣長漆樹人爲之立碑按永干乘人或流寓於此

徐母墓在縣城南一里城址一畝二分內有高塚相傳爲徐庶母墓無碑可考民國十年縣長爲之立碑

白樂天墓在縣西南三十八里白家村西有高塚建祠繪像於上

## 長葛縣志

卷一

十五

蓋君墓在縣西二十里今墓爲河所衝誌石猶存

苗訓墓在縣東南十二里苗家村村人多苗姓其後裔也

任子墓在縣東一里名履真字子山有俠行善術數與麻知基齊名墓前有碑可考

黃公墓在縣北二十里馬陵岡明正統宏治朝人名紱字用章其先河南封邱人後遷

湖廣沅州致仕後道卒於旅舍卜葬於馬陵有神道碑可考

古聞人墓在縣東南十里封陞岡上姓氏未詳碑文曰古聞人墓

古名人塚在縣北五里盧家村西有四翁塚相傳爲古名人塚無碑可考

應風塚在縣北二十里李良店北里許有一古塚其碑云應風塚

孝女塚在縣東南三十里相傳有女七人不嫁養親長女塚在葛其六塚皆在洧川境

姓氏時代俱無可考

顏良文醜塚在縣東三里劉彥莊東北

保甲

長葛初分爲二十四坊保曰宣化坊曰東關保西關保柳莊保南王保蘇村保石象保孟村保杜村保蔡村保原村保西張保朱村保辛村保合作保呈里保凡城保楊村保會河保張史保留村保迎恩保增福保封贈保義村保太平保石固保董村保陳村保北營保馬陵保遵義保遵路保明嘉靖間始并爲二十二保曰宣化保曰東關保曰西關保曰北張保曰柳莊保曰南王保曰蘇村保曰石象保曰孟村保曰杜村保曰蔡村保爲上十一保曰原村保曰西張保曰朱村保曰辛村保曰合作保曰呈里保曰凡城保曰楊村保曰會河保曰張史保曰留村保爲下十一保肥瘠不均清康熙十一年知縣米漢斐以爲不便更併爲十二保保分十甲上伍五甲下伍五甲爲尙友保上下伍各四甲迄今仍之如下

樂智保在縣東北界洎水南界安仁東界洎邑西臨縣城長十八里寬三四里不等厥土黃壤惟臨洎一帶微沙居民多掘井灌園蔬菜爲一邑冠

安仁保在縣東南北界樂智西界淑聖南界許昌洎川之間西北臨縣城地勢廣狹不

## 長葛縣志

### 卷一

### 十六

一土壤俱沃石象一鎮爲入省大道商業頗盛

淑聖保在縣南東界安仁西界遵義南界許昌北臨縣城東西十三里南北十三里地勢平坦稼穡甚茂

遵義保在縣南略偏西東界淑聖西界守中南界許昌北界廣姻東西廣狹不等南北約十三四里人民勤於稼穡與聖保同

守中保在縣西南東界遵義西界豐和北界友睦南界許境東西二十餘里南北六七里不等爲全縣第一大保人多織席爲業

豐和保在縣西南隅東界守中西界禹縣南界許昌北界崇孝地勢東北西南斜拖約有十二三里廣五六里不等石固一鎮商業尤盛

崇孝保在縣西東界尙友西界禹縣南界豐和北界陘山新鄭境東西略長南北廣狹不等厥土赤壤

尙友保在縣西北隅東界雍睦西界陘山禹縣南界孝中和三保北界新鄭地勢高燥

### 土質較簿

雍睦保在縣西東界廣烟西界尙友南界守中北界新鄭南北長二十餘里東西寬五六里不等物產宜菘

廣烟保在縣西東臨縣城西界雍睦南界遵義東北界宏任東西廣者十里狹者四五里不等土性微燥

宏任保在縣北東界康卹西界廣烟北界新鄭南附縣城南北長十七里東西廣者十一二里狹者四五里不等土壤多沙棗梨最盛

康卹保在縣東北隅東界洧川西界宏任南臨洧水北界洧境地勢西南狹而東北廣畧成三角形土性微濕船戶頗多

民國以來選舉投票改爲七區

原係五區

智仁一區 聖義一區 中和一區 孝友一區 睦姻一區 任卹一區  
城關一區

## 長葛縣志

### 卷一

### 十七

#### 交通

驛傳

道路

鐵路

電話

郵務

河運

橋梁

汽車路

交通爲裕國便民之要政古之驛傳杏矣鐵路郵務於今交錯公私文報風馳電駛况洧水行舟懋遷化居水陸馳迅瞬息千里又非止葛人之福也

#### 驛傳 鋪遞附

長葛驛傳前代無考舊志賦籍內載驛站原額銀六百四十五兩一錢五分九厘馬匹夫役數目未詳乾隆初年奉文裁驛止留驛馬四匹一切差使俱由新鄭直至許州惟由新至許路長南北部院暨洧禹上下馬遞公文仍舊接替馳送以四匹良馬奔馳於東西南北之衝不敷支應殊爲勞瘁未詳何時驛馬增至五十八匹馬夫二十七名擯轎夫三十六名送公文馬夫一名探馬夫二名馬牌子一名走遞夫二名留肆夫二十一名石固設有驛丞專司其事馬號曰外號總鋪在縣治大門內西鋪兵七名馬號曰內號董村鋪在縣東十八里鋪兵五名梁莊鋪在縣東南十五里鋪兵三名其實長葛所有驛馬夫役與原額數大不相符緣承平已久缺額不補歷任欲照支驛站錢糧故

具報時仍沿原定額數事歷有年而來往差徭供給車馬者有事則科派民間平時恃各伍籍書每籍書養車一輛大伍三馬小伍二馬輪流支應戶供餽養民國元年經省議會議決裁驛歸郵切實澈查止有驛馬八匹其缺馬五十匹按例每匹捐繳價銀八兩五錢共捐馬價銀四百二十五兩民國二年實行裁驛歸郵所有公牘文件悉歸郵局遞送經縣議會議定備車四輛以供差遣由十二保籍書輪支籍書仍照收花戶餽養餘款每年捐入公款局一千四百四十串錢分配地方教育自治經費自十一十三兩年直奉迭戰車馬不敷抓派民間閭閻苦之十四年衆議仍復每伍籍書出車一輛之舊制冀蘇民困而籍書每年捐款仍由軍需項下派民出款彌補朝三暮四爲益無多風雲日變姑待來茲

### 道路

邑東山迎恩門外至洧邑爲邑入汴道路  
東南石象鎮爲山許經葛入汴道路

## 長葛縣志

### 卷一

十八

邑南由正德門外直南經尹家堂爲邑入許道路由坤靜門外直南經丈地亦爲邑入許道路

西南由坤靜門迤西至和尚橋爲城內赴火車站道路再迤西爲赴石固鎮道路

石固南出許州至襄城縣北出本境至新鄭爲前清官大路

邑西由利用門外直西經楊寨爲赴後河鎮至內境道路

西北由利用門外迤西至官亭爲赴火車站道路亦爲赴新鄭道路

邑北過五道口河直北至雙廟李爲城北道路

東北由迎恩門外過雙泊河東至李河口爲邑入汴便路

### 鐵路

長葛鐵路由縣西北官亭北辛莊入境至和尚橋南出境橫三十餘里清光緒二十八年土路成三十年鐵路成定和尚橋爲車站車到時停五分鐘以便客運民國八年于官亭加修站房惟停軌時暫不便  
拾客由和尚橋南里許轉西向陘山修築支路二十

餘里爲運石鋪路之用清光緒二十三年建

### 電話

清光緒二十三年設在和尙橋車站民國十四年由車站引入城內

### 郵務

清光緒二十九年九月二十一日開辦郵寄代辦所民國二年七月十日改爲三等郵局民國六年六月一日改爲二等郵局十二月二十日開辦快遞郵件民國八年四月一日開辦乙丙款匯兌總局設城內分局設和尙橋石固鎮後河鎮石象鎮等處

### 河運

雙泊河行舟約重萬斤上至新鄭下至周家口抵潁州府計五百餘里

### 橋梁

北橋在縣東北二里以木爲之因泊河衝決無定非磚可建每歲九月造成來年四月撤去慮河水泛漲橋木漂流也

## 長葛縣志

### 卷一

十九

通濟橋在縣西北二十二里會河鎮明成化四年知縣任勵建

馬家橋在縣西二十里馬家灣明天啓二年牛禮劉士行建

岳家橋在縣西十五里岳家莊東明嘉靖四年王裕張明善建清康熙十二年張化英等重修

李家橋在縣西十五里宗家寨西

師姑橋在縣西十五里杜村寺東北

李家橋在縣南十六里天錫寨前

黃家橋在縣西南十七里黃家村

王家橋在縣西南十八里王家村東

老龍橋在縣西南二里

三里橋在縣正南三里

赫家橋在縣東十五里



吳家橋在縣西三十五里中岳寨西

暖泉河胡家橋在縣西四十里坡胡莊

呂家橋在縣西南三十三里中岳寨南

石羊橋在縣西南三十七里石羊寺西清康熙五年王克經楊化鳳重修

白公橋在縣西南三十六里白樂宮南創建無考元至元二年楊大寶重修明萬歷十年知縣李塾重修

五龍橋在縣西南十五里五龍宮東

谷家橋在縣西三十五里谷家村南

小洪河稚子橋在縣西三十五里廣佛寺前明成化邑人王氏因無子願修石橋後果生子故名

太平橋在縣西二十三里太平店北

弘濟橋在縣西十七里洪庇寨南

## 長葛縣志

### 卷一

二十

三石橋在縣東十八里董村東北萬歷十年鄉民張紘建

雙鳳橋在縣東南十五里渠河上明天啓丁卯年知縣聶明楷開汪家波溝渠建石橋於南北衝道是年趙佳鳳孟良屏並舉孝廉因名曰雙鳳橋

石梁橋在縣西南四十五里石固鎮石梁河上乃許葛分界橋南屬許橋北屬葛

洪河路家石橋在縣東北八里濞河上

濟衆橋在縣西南十五里爲邑衝要明嘉靖四十三年知縣蔡紹先創建因昔有和尚募化原名和尚橋萬歷十年鄉民李惟臣謝科募貲重修於上流改名曰濟衆橋邑人李啓光監工兼施工餼三年橋成長十五丈二尺寬兩丈四尺兩旁石欄石筍俱用鐵扣有碑記清順治十八年知縣劉濤奉分憲沈公捐俸倡衆重修建河伯廟於北岸併建沈公祠有碑記清乾隆十一年秋河漲橋塌僅餘空半後人復移築石橋於其東

欒橋在縣西二十五里欒莊西里許爲柳陰河所經

郭橋在縣西二十里亦柳陰河所經在大郭莊之西

宋橋在縣西南宋堂之西爲暖泉柳陰二水合流之處

貞女橋喬女史有貞節曾涉此水備嘗艱難其夫爲建此橋在縣西南

馬橋在縣西南馬谷莊

楊家橋在縣西楊莊西北

李公橋在縣西暖泉寨北門內清嘉慶二十年義士李璉獨力捐貲創修

嘉惠橋在馬跑泉河道上

史公橋在侯家莊山水溝道上因山水暴發行人苦於泥塗邑人史善獨力捐貲修築  
有碑記

暖泉橋在暖泉觀前橋西屬禹州橋東屬長葛清乾隆年創修

張家橋在縣西營張村暖泉河道上因由張氏家祠祀田內提出課租若干建此石橋  
故名

## 長葛縣志

### 卷一

二十一

石梁橋在縣西四十里孟排寨村馬跑河道上明正統十二年魯順等建清胡延慶重  
修後亦名胡公橋

興龍橋在縣西盛寨之南清乾隆三十三年邑人盛璋等募化創修相傳修橋時在地  
下掘一石龍因名

申公橋在縣西蘇樓之西清乾隆四十八年申自立奉母命獨力創修光緒七年邑人  
盛海潮陳清泰等捐貲重修

賈橋在縣東高車賈村之東

趙家石橋在城東北十里趙名環村

竹林橋在縣西坡胡村東門內明時創修兩岸竹林叢密故名有碑記字多磨滅

石橋在縣西北打繩趙村北民國十年主善局提倡修此

### 汽車路

民國十四年十月由城西門修築至和尚橋

禹和汽車路 民國十年一月邑紳張星蔚陳鴻疇等呈明河南省長及實業廳集股辦築由和尚橋車站至禹縣之禹和汽車路均批准未及興工因戰事中止

# 長葛縣志卷二

息縣劉盼遂撰

## 營繕志第二

城池 公署 學宮 壇廟 祠宇 寺觀  
街衢 坊表 鎮集 寨落  
城池

舊志載葛城爲春秋鄭伯所建歷代因之殊欠考據按鄭伯所築長葛故城久廢觀杜預言潁川長社縣北十二里有長葛故城即可概見又按郡縣志長社故城在許州長葛縣西一里絕非今之縣城也方輿紀要今城即長箱城十六國春秋東魏武定五年清河王岳率衆圍西魏將王思政於潁川築此初以車箱爲樓因名長箱城彼時止取長形與今之方形迥不相同蓋由明末燬於寇然後改造方形耳自東魏以來隋唐宋金元修築莫詳至明正統十三年知縣黎駢修葺舊止四門正德間因劉六劉七寇變築閉四門開小南門以便樵汲嘉靖三十二年知縣李節重修萬歷間

## 長葛縣志

卷二

知縣王用賓添設東門甕城崇禎七年知縣李在公開鑿外池東北隅植柳築堤以防河患崇禎十三年知縣張煇乾補修城墻均砌以磚尋遭寇毀僅存丈餘清順治三年知縣高鳳翔改建方城康熙三十四年知縣李元讓重修先是順治十一年泊水泛溢直逼東北隅城墻缺去一角康熙五十五年知縣劉大觀築隄禦河旋復決雍正七年知縣胡文元捐俸修葺東北隅三十丈乾隆四年大雨連旬城垣四圍多有傾圮至九年知縣阮景咸重修復於東北隅濱河築護堤七十一丈一年工竣力圖永固百餘年來河雖屢決城未傾頽至同治十年泊水泛溢冲陷東北城角十餘丈知縣鍾耀南重修又修五門吊橋光緒二十二年因夏秋雨水過多河水暴漲上淋下刷城垣多有坍塌知縣王錫晉黃弼臣先後重修又將東北角砌石數丈以固城基民國四年泊水陡漲城角冲毀知事何毓琪提倡重修全縣捐款五年四月告成六年又修迎水壩擁護城角未幾亦冲毀城門五座惟小南門無城樓東門曰迎恩西曰利用南曰正德北曰惠波小南門曰坤靜周圍六里一百五十步高二丈五

尺廣一丈梁一千六百四十七城濠舊志濠面寬八丈底寬四丈同治元年知縣董倡捐士紳重修城濠因前挑挖未能合式其水亦未引入濠內今定挖濠面寬六丈底寬三丈深二丈將土就濠內沿周圍築攬馬牆一道高一丈厚四尺中間多設炮眼遇緊急時一則保衛城池一則躲避車馬一舉兩得嗣又廢弛濠內任署役種禾民國十年紳商提倡重挖十一年經代理鄧知事委商務會長王瑞桐水利局路榮乙等督工刻期興工而寬六丈底寬三丈五尺深二丈堤外種柳堤內種桃十二年五門築牆護桃十三年屬於澗水築壩造閘引水溉濠旋就廢

公署  
頭門三間上爲鼓樓清康熙二十四年知縣李元讓重修民國十三年署知事李時霖改造爲扇面形

儀門三間清乾隆五年知縣許連峯修民國十一年知事殷傅臣重修

聖諭坊一座一清康熙二十六年知縣何鼎建一雍正十三年知縣許連峯建

## 長葛縣志

卷二

二一

大堂五間清康熙五年知縣吳泰修光緒十五年知縣王錫晉重修光緒三十三年知縣江湘以派捐激民怒毀之大府上奏羅織大獄時邑紳張蔚藍函請侍御陳善同實參降旨嚴詰得解三十四年重修

二堂三堂各三間清乾隆十年知縣阮景咸修光緒十五年知縣王錫晉重修

知事住宅三堂後樓房五間左右耳房共四間左右廂房共六間東院住房兩層後層七間前層五間左邊廂房五間廚房六間書房三間後大仙樓三間右客廳五間清康熙二十六年知縣何鼎建修乾隆九年知縣阮景咸重修光緒八年知縣王錫晉添造東院草房五間

庫樓在大堂內東偏院清康熙十五年知縣米漢斐建乾隆十一年知縣阮景咸重修又東煤山民國八年知事郭曾量建亭其上名虛靈亭

大堂前東西書吏房各六間乾隆五年知縣許連峯修  
儀門外東西皂隸房各三間乾隆五年知縣許連峯修

教諭署在學宮西大門內東西草房各三間大廳兩楹廳後東西草房各三間上房三間東耳房一間民國元年改保衛團駐所七年改駐巡緝隊十年領官于占標籌罰欸千元改建門前照壁一座門外砌三面花牆前院東西房各易以瓦後院及東西房各重修東偏院建馬棚四間草房二間現改駐武裝警察

訓導署在學宮東前明倫堂兩楹清道光年知縣陳慶芝重修創建未詳光緒十八年監生范清平獨力捐貲重修左掖義路右掖禮門堂後觀德亭今俱廢後西草房三間大廳草房三間西耳房一間廳後東西草房各三間上房三間現改縣立小學校分校

典史署在縣署東南清順治十七年范培臻修典史李士俊路達石燦陳煜等繼修大門內二堂三間東西門房各一間堂後東屋三間大廳五間東偏院上房三間清宣統間廢典史設監獄員住典史署

申明亭在縣署大門東久廢

## 長葛縣志

卷二

三

旌善亭在縣署大門西久廢

布政分司久廢

按察分司清初已廢康熙三十年知縣何鼎因舊址改建察院行署年久復廢乾隆五年知縣許蓮峯建倉五座共十八間乾隆十二年知縣阮景咸建倉一座六間

府館在縣治西久廢縣丞署主簿署俱廢

僧會司在縣東門外端壁寺今廢

道會司在縣城隍廟今廢

醫學在縣治西今廢

陰陽學在縣治西今廢

### 試院

清道光二十六年邑監生王嗣曾獨力捐貲創修清光緒十二年監生左應旂獨力捐貲重修東西文場二十四間又創修八間添石號板百餘塊光緒十三年重修嚴師

堂五間內附水鑑軒東西看卷所六間培風堂五間廚房三間廁所一間品級門一座光緒十四年修龍門廩保禮房所三間頭門外更舍樂房俱備又創修東西轅門照壁光緒三十三年廢科舉興學堂左應旂仍獨力捐貲改爲高等小學校大門左右耳房東爲門夫室西爲傳達處大門內院東屋三間爲接待室西屋三間爲校長室及司事室二門中間樹一屏蔽東西文場改造學生寢室水鑑軒改爲第一教室培風堂改爲第二教室第一教室院東西屋各三間俱改爲教員住室廚房仍舊西院廁所亦從新改建民國二年陸軍駐此失火焚東齋房十六間縣知事苗德屋提罰款五百千繼縣知事何毓琦復提罰款壹百餘緡重修而東西轅門及照壁先後撤去九年知事秦德琮又于校後購地壹畝作遊戲場

#### 壇廟

五禮莫重於祭事神保民理本一貫至民國祀典之屬邑制者孔廟關岳而外概行停止然夙典所在未可盡沒因類誌之以備考古之資云爾

## 長葛縣志

### 卷二

### 四

孔廟廟與學宮合後院爲尊經閣閣前爲崇聖殿元文宗至順間始加封爵明嘉靖九年詔立啓聖祠清雍正二年追封先師五代王爵改名爲崇聖殿

崇聖殿前爲大成殿東西廡各四楹祀孔門弟子及歷代先賢七十九人先儒七十五人東西廡前戟門兩楹列儀仗之所戟門外東名宦祠西鄉賢祠各兩楹

#### 名宦祠

周鄭大夫游公吉

周鄭大夫醜公蔑

漢潁川太守寇公恂

漢潁川太守黃公霸

隋長葛知縣房公彥謙

宋長葛知縣樂公京

宋長葛知縣李公若谷

元長葛知縣趙公志

元長葛知縣李公孚

元長葛知縣崔公傑

明進士長葛知縣焦公禋

明舉人長葛知縣田公琛

明舉人長葛知縣冷公文煜

明舉人長葛知縣張公賢

明舉人長葛知縣王公奇

明舉人長葛知縣祝公邦榮

明長葛知縣孫公濡

明長葛知縣林公庸

明長葛教諭羅公鑾

# 長葛縣志

卷二

五

明舉人長葛教諭歐陽公植

明舉人長葛教諭費公墉

明長葛典史杜公復春

清河南巡撫曆任禮部尙書馬公慧玉 共二十三位

鄉賢祠

漢太邱長陳公實

漢郡功曹鍾公皓

漢太傅鍾公繇

漢處士徐公庶

晉御史中丞驍騎將軍鍾公雅

齊南康王侍郎鍾公嶸

唐監察御史王公求禮